

Tugas berbeza tiga pesilat Kuala Ibai

B. Harlan (M)

26 NOV 1987

Oleh MOKHTAR HAJI YUSOF

KEJUARAAN Silat Sedunia Ke-4 di Kuala Lumpur dari 2-9 Disember ini menjanjikan pelbagai pengalaman baru kepada tiga pesilat dari Kampung Kuala Ibai, tidak jauh dari Kuala Terengganu.

Mereka ialah Johari Ibrahim, 24, Abdul Razak Ismail, 23, dan Mohamad Mat Amin, 30.

Mereka mempunyai tiga tugas berbeza sepanjang kejuaraan itu.

Johari Ibrahim diberi kepercayaan sebagai penolong jurulatih pasukan kebangsaan, Abdul Razak mewakili negara bagi Kelas E dan Mohamad satu-satunya pengadil mewakili Terengganu.

Walaupun tugas berlainan, mereka datang daripada perguruan yang sama — Perguruan Pagar Ruyong — yang dipimpin oleh Mohd Nor @ Awang Abdullah, 50.

Mohamad Mat Amin juga adalah pembantu kanan Mohd Nor.

Mengenai Silat Olahraga, Johari Ibrahim pernah menjadi pengadil di Kejuaraan Silat Olahraga Kebangsaan Ke-2 di Johor Bahru tahun 1985 dan ke-3 (Kuala Terengganu 1986).

Abdul Razak mewakili Terengganu dalam Kelas E di kedua-dua kejuaraan itu.

Mereka juga adalah anggota pasukan Seni Silat Terengganu (Pesilat) yang ditubuhkan dua tahun lalu.

"Saya akan menggunakan pengalaman yang ada, khusus sebagai penolong jurulatih pasukan negara di Sukan SEA lalu untuk memastikan pasukan kita mendapat kejayaan dalam kejohanan ini," kata Johari.

Sementara itu, Abdul Razak memenangi pingat perak bagi Kelas E di Sukan SEA lalu berkata, beliau menunggu dengan sabar ketibaan musuh tradisinya iaitu Biari dari Indonesia di kejohanan ini.

"Saya sudah cukup bersedia bertemu Biari. Biarlah Stadium Negara menjadi penentu," katanya.

Mohamad Mat Amin yang bertugas sebagai penyelenggara stor di Jabatan Pertanian (Ajil, Terengganu) memberitahu, beliau tidak akan mensesiakan kepercayaan yang diberikan oleh Pesaka untuk bertugas sebagai pengadil.

Ayah kepada tiga anak ini akan juga mewakili negara dalam bahagian perseorangan Silat Kebangsaan di kejuaraan itu.

terus hadapi masalah kewangan

PERSEKUTUAN Silat Kebangsaan Malaysia (Pesaka) terus menghadapi masalah kewangan menampung perbelanjaan peserta-peserta negara yang menyertai kejuaraan silat sedunia bermula Rabu ini di Stadium Negara.

Pengurus kebangsaan, Haji Shafie Abdul Rahman, berkata peruntukan disediakan oleh Majlis Sukan Negara (MSN) cuma \$12,000 dan ia tidak mencukupi bagi menampung keperluan 35 peserta.

"Kami terpaksa mengeluarkan wang sendiri untuk membantu pesilat-pesilat yang menjalani latihan pusat.

"Bantuan diluluskan oleh MSN itu juga belum diperolehi. Kami memerlukan \$44,000 untuk persediaan ke kejohanan dunia itu.

Sementara itu, Setiausaha Agung Pesaka, A. Rahman Hassan juga membuat permohonan \$20,000 untuk membeli peralatan silat tetapi jumlah diluluskan oleh MSN cuma \$13,000.

"Ini bermakna kami tidak mampu menyediakan peralatan-peralatan baru dan peruntukan diluluskan itu sebenarnya untuk persiapan Sukan SEA 1989, bukan kejohanan dunia ini," kata Rahman.

"Mengenai kejohanan bermula Rabu ini, kebanyakan peserta mengambil cuti tanpa gaji. Kami juga perlu membayar elaun, makanan, penginapan dan insurans."

Menurutnya, sebagai tuan rumah, pasukan negara tidak patut menghadapi masalah seperti ini.

"Jangan terlalu memeningkan kemudahan peserta-peserta luar negeri sehingga kebajikan pesilat-pesilat negara diabaikan," katanya.

Benjamin, Dicky turut bersilat



DICKY ZULKARNAIN



BENJAMIN S

akan mempersembahkan ketangkasan mereka yang asli.

Peminat-peminat silat dan filem dapat menyaksikan persembahan mereka pada 6 dan 7 Disember ini. Mereka diundang khas untuk mempersembahkan kependekaran masing-masing dalam acara selingan.

26 NOV 1987

Beberapa bintang filem tempatan juga telah diundang untuk mempersembahkan pencak silat dalam pertunjukan selingan.

"Beberapa artis tempatan seperti Taman Idris, Eman Manan dan Rosnah Johari sudah mengesahkan penyertaan mereka. Kami sedang menghubungi Mokhtarudin, seorang lagi artis tempatan yang tinggi mutu persilatannya," kata pengerusi jawatankuasa penganjur, Encik Aziz Deraman.

Kejuaraan silat dunia yang pertama dan kedua diadakan di Indonesia dan Austria menjadi tuan rumah kejuaraan ketiga.

KUALA LUMPUR, Rabu — Dua bintang filem Indonesia, Dicky Zulkarnain dan Benjamin S serta beberapa bintang filem tempatan, akan menjadi tumpuan utama apabila mereka mempersembahkan kelincahan masing-masing dalam Kejuaraan Silat Sedunia keempat di Stadium Negara pada hingga 9 Disember ini.

Kalau sebelum ini peminat hanya melihat mereka bersilat di layar perak, kali ini kedua-dua bintang filem terkenal Indonesia itu